

運氣論奧疏鈔

運氣論奧疏鈔序

自望五天雲氣以來有五運六氣
 之說矣蓋天地之間雖風土不一
 氣化之行也千變萬化而有數之
 可數者太過不及平氣不同其候
 主客臨御之化分其部主而人物
 之命於兩間者無不感其氣故爲

和平爲災患是以大神靈問發造
化之蘊將以觀於其化而救民之
疾此素問所以論運氣也夫以天
地之化有氣數有風土間亦有人
事之變一治一亂反覆相尋何者
天人一理也萬物一氣也惟其感
於人事之變而迫於氣數屈伸消

息之不齊故裁成天地之道輔相
天地之宜則風雨節寒暑時無有
凶饑妖孽之疾也遂能感召天地
之和而天不愛其道地不愛其寶
嘉瑞大顯若虐政薄天和則寒暑
不成山崩川竭迅雷風祲怪雲變
氣諸災眚薦臻是故聖賢恐懼脩

省直欲挽回造化莫懲者所以取
傷敗也運氣雖有其說惟五緯之
論而已然昭氣數調民氣蓋亦贊
化育之道也運氣有常有變自其
常而觀之則不離於氣數其端倪
數之可數矣自其變而觀之則衝
盪推擊如迎浮雲若視深淵數之

不可數乃由風土人事之變耳當
因常以察變即此以致彼非極數
通變則其孰能與於此哉程夫子
雖以爲淺近由是言之則運氣之
理亦有之乎後世以運氣爲非聖
人之言又泥以鈐方皆不免於局
促運氣也余不敏自幼志于學游

見宜堂先生之門鑽研醫術旣而
又承先生之教入洛爲儒學平日
好讀書有所得則各爲之論著思
一得之愚啓迪童蒙及讀運氣之
說嘗謂五運六氣一五行也夫人
千變萬化之病態皆不出乎陰陽
五行用藥視時盛衰體升降浮沉

或補或瀉無不擬之於陰陽五行
故欲奉天道順五行以變理之則
運氣必不可廢然世之學運氣者
談及宋劉溫舒論奧知內經運氣
諸篇者鮮矣遂取論奧證之本經
引援諸書粗加以己意作疏鈔又
引諸書蒐輯辭理貫通而鈔中難

粗論述者及訓詁文義之外猶有
不可不知者爲編別附益之以備
參考名曰論輿辨證草藁略成爲
疏鈔十卷辨證三卷九十三卷庶
幾爲知運氣諸篇之一助云爾

寬文五年春二月穀旦
西峯散人松下見林書

運氣論奧疏鈔卷之一

難波津

後學

松下見林

著

目錄

序

五運六氣樞要之圖

六十年紀運圖

十干起運訣

十二支司天訣

論五行生死順逆第一

素問入式運氣論奧序

文獻通考卷之二百二十二經籍考醫家運氣論奧
三卷晁氏曰宋朝劉溫舒撰溫舒以素問氣運最爲
治病之要而答問紛採文辭古奧讀者難知因爲三
十論二十七圖上于朝

宋史新編五十二卷藝文醫書類劉溫舒內經素問
論奧四卷林按焦竑國史經籍志又曰劉溫舒素問
論奧四卷今此書上中下三卷通考宋馬端臨撰其
中載此書之目爲三卷則宋時卷數亦與今同然宋
史經籍志等書爲四卷者恐以卷末五行勝復論爲
第四卷者歟宜與五行勝復論題注參考

○素問△黃帝內經十八卷中有素問九卷八十一
篇其名義多說今詳錄于左△宋高保衡林億新校
正曰按王氏不解所以名素問之義及素問之名起
於何代按隋書經籍志始有素問之名甲乙經序晉
皇甫謐之文已云素問論病精辨王叔和西晉人撰
脉經云出素問針經漢張仲景撰傷寒卒病論集云

撰用素問是則素問之名著於隋志上見於漢代也
自仲景已前無文可見莫得而知據今世所存之書
則素問之名起漢世也所以名素問之義全元起有
說云素者本也問者黃帝問岐伯也方陳性情之源
五行之本故曰素問元起雖有此解義未甚明按乾
鑿度云夫有形者生於無形故有太易有太初有太
始有太素太易者未見氣也太初者氣之始也太始
者形之始也太素者質之始也氣形質具而病瘵由
是萌生故黃帝問此太素質之始也素問之名義或
由此△明馬仲化註證發微評全元起新校正之說
曰義俱未安△文獻通考二百二十二經籍考晁氏
曰昔人謂素問者以素書黃帝之問猶言素書也△
張介賓類註曰平素所講問是謂素問△此書引靈
樞亦有之而惟題曰素問者蓋運氣之說出於素問
故獨取之○入式△式說文法也△序中有言其間
氣運最爲楠瀉之要雖備見黃帝與岐伯鬼臾區問
對紛紜篇章卒無入法稍難施用溫舒撰此書令覽
者入法故曰入式所謂法者聖法又治法也詳備于

後○運氣△五運六氣也△醫學入門卷之首運氣
總論曰五運者金木水火土也六氣者風火暑濕燥
寒也聖人仰觀五夫繫色天干取運地支取氣天干
有干配合則爲五運地支十二對衝則爲六氣△素
問氣交變大論曰運氣相得則各行以道△六元正
紀大論曰五運六氣之化△五運行大論曰土主甲
巳金主乙庚水主丙辛木主丁壬火主戊癸子午之
上少陰主之丑未之上太陰主之寅申之上少陽主
之卯酉之上陽明主之辰戌之上太陽主之巳亥之
上厥陰主之△愚謂運氣二字互相爲用五行之氣
化在天則爲六在地則爲五運行於一歲之中故曰
五運六氣六之陰數在天五之陽數在地者蓋陰陽
互根之義△圖翼一卷氣數統論曰五六之用其變
見於昭著者尤有顯證如初春之桃李其辨天之所
生也深冬之雪六其出地之所成也造化之妙夫豈
偶然△凡定五運六氣以配合十干十二支者始於
天地開闢之初望五夫之氣以書于太始天元冊出
素問五運行大論其義詳見醫學綱目在本書中卷

論五夫之氣鈔中○論與△按中卷論六脉篇曰但以氣運深奧罕有論者故也今溫舒萃斯文論其深奧故曰論與△書經周官註論者講明之謂△文選梁昭明太子序註與深也○序△作文之一體諸書首皆有序此序溫舒自序也△吳勉學對類文史門序所以序事△史記集解叙正義曰序緒也孫炎云謂端緒也孔子作易序卦子夏作詩序其來尚矣

朝散郎大醫學司業劉溫舒撰

朝散郎△事物紀原卷之四勳階寄祿部朝散郎隋散官也△宋史新編第三十九有文散官二十九朝散郎其一也△今按散猶散木之散乃無用之意有文散官有武散官謂文武之位階也凡位階無職掌官與位往往通用故稱位階為散官本朝謂之散位其號不一文武諸官加之為寄祿旌勳功也朝散郎亦文散官朝廷即位故名朝散郎見嶋田氏百官唐名鈔等書本朝從七位上相當朝散郎○太醫

學司業△太醫學即太醫局醫者學校也朝廷及諸
州府俱有醫學朝廷醫學加太字宋名太醫局元明
兩朝所謂太醫院也△事物紀原卷之六會府臺司
部曰太醫局周有醫師秦置太醫歷代皆置宋朝神
宗又置局曉醫者一人判局事按唐亦有太醫署而
神宗創置以教生徒如學校也△事文類聚卷之一
百八十九太醫院歷代沿革周有醫師上士下士秦
漢少府屬有太醫令丞後漢又有藥丞一人魏因之
晉宗正屬官有太醫令丞過江省宗正而太醫以給
門下省宋齊太醫令丞隸侍中梁隸門下省陳因之
後魏有太醫博士助教後周又有太醫下大夫小醫
上士隋有太醫令丞又有主藥醫師藥園師呪禁博
士煬帝又置醫監醫正唐有太醫署令丞令掌醫療
之法丞爲之貳宋亦置太醫令丞熙寧八年又置太
醫局別置提舉一員判局二員管勾一員大元置太
醫院有使副使判官各一員掌醫療之法△今按太
醫院當本朝典藥寮△司業國子司業△事物紀
原卷之五司業隋煬帝大業三年始於國子監置司

業官取禮記樂正司業之義△事文類聚卷之二
 一國子司業歷代沿革周禮樂正司業父師司成隋
 煬帝大業三年於國子監初置司業一人禮記曰樂
 正司業父師司成因以爲名唐置二人從四品副貳
 祭酒通判監事龍朔二年改爲少司成咸亨初復舊
 凡祭酒司業皆儒重之官非其人_{不居}歸崇敬授國
 子司業上言司業義在禮記樂正司業正長也言樂
 官之長同主此業爾雅云大板曰業按周頌詩設業
 設_篋崇牙樹_羽則業乃懸鐘磬之_篋也今太學師
 不教樂於義則無所取請改國子監爲辟雍祭酒爲
 太師氏司業一爲左師一爲右師詔下尚書集百寮
 定議以聞議者重難改作其事不行宋有同判監事
 同管勾監事或帶職朝官充凡監事皆總之元豐正
 名置司業掌三學之教法政令初除朱服建炎三年
 省紹興十二年復置隆興併省司業不許與祭酒並
 除乾道七年欲除劉焯孝宗曰司業乃祭酒之貳並
 置何妨於是始並置大元仍唐宋舊置其官△按國
 士監有祭酒司業監丞博士助教等員見事物紀原

宋朝以助教命醫者則司業亦當依其材命之歟蓋
溫舒判太醫事有司業之命故自謂太醫學司業耶
△又按百官唐名鈔及源准后職原鈔本朝大學
助當國子司業△事物紀原卷之六撫字長民部云
晉咸寧四年初立國子學置助教以教生徒魏始於
大醫置之唐國子四門俱有其官開元元年諸州始
置醫學助教宋朝神宗元豐中除之初宋朝惟以四
門國子助教命醫者故官制行惟置大醫及州助教
○劉溫舒△宋史無傳又古今萬姓統譜劉氏部無
劉溫舒以序文推之宋哲宗時人也△難經本義引
用諸家姓名劉氏溫舒宋人著運氣論與△熊宗立
醫學源流劉溫舒宋哲宗元符時人為朝散郎大醫
學司業作素問入式運氣論與刊附靈樞
經卷末○撰△廣韻述也△韻會集也

夫醫書者乃三墳之經伏羲觀天文造甲曆神農嘗

藥制本草黃帝論疾苦成素問

此言醫書之源出於三
皇也○夫△助語辭曰